

স্মারক নম্বর: ৩১.০০.০০০০.০৩৭.২৭.১২১.২১-২৯২

তারিখ: ০১ জানুয়ারি, ১৪৩০ বঙ্গাব্দ
১৫ এপ্রিল, ২০২৩ খ্রিষ্টাব্দ

আদেশ

যেহেতু, জনাব খন্দকার তানবিরুল হক, উপ-সহকারী সেটেলমেন্ট অফিসার, সাপাহার, নওগাঁ (প্রাক্তন ড্রাফটসম্যান কাম এরিয়া এস্টিমেটর কাম সিট কিপার, উপজেলা সেটেলমেন্ট অফিস, সারিয়াকান্দি, বগুড়া) এর বিরুদ্ধে সরকারি কর্মচারী (শৃঙ্খলা ও আপিল) বিধিমালা, ২০১৮ এর ৩(খ) ও ৩(ঘ) বিধিতে বর্ণিত অসদাচরণ ও দুর্নীতিপরায়ণতার অভিযোগে ১৩/২০২১ নম্বর বিভাগীয় মামলা রুজু করা হয় এবং কেন তাকে একই বিধিমালার ৪(৩)(ঘ) বিধি মোতাবেক 'চাকরি হতে বরখাস্ত' (Dismissal from service) করা হবে না তা একই বিধিমালার ৭(১)(খ) বিধি মোতাবেক অভিযোগনামা প্রাপ্তির ১০ (দশ) কার্যদিবসের মধ্যে কর্তৃপক্ষের মাধ্যমে তার লিখিত জবাব দাখিল করার জন্য অভিযোগনামা ও অভিযোগ বিবরণী জারি করা হয়। তার বিরুদ্ধে অভিযোগসমূহ নিম্নরূপ:-

যেহেতু, বগুড়া জেলার সারিয়াকান্দি উপজেলার ৫৪ নম্বর নারচী মৌজার ২২৫ নম্বর ডিপি খতিয়ানে দায়েরকৃত ৫৯৯/১৩, ৬৭৩৯/১৪, ৬৭৪০/১৪ ও ৬৮২৮/১৪ নম্বর মোট ০৮(চার)টি আপিল মামলার সংশ্লিষ্ট বিরোধীয় জমির সরেজমিনে তদন্ত করে তদন্ত প্রতিবেদন দাখিলের জন্য তাকে নির্দেশ প্রদান করা হয়; এবং

যেহেতু, তিনি বিরোধীয় জমির সরেজমিন তদন্তে সহযোগী সার্ভেয়ার জনাব আনোয়ার হোসেনসহ তদন্ত কার্যক্রম সম্পন্ন করে যৌথভাবে একটি প্রতিবেদন দাখিল করেন; এবং

যেহেতু, তিনি মামলাসমূহের সুবিধাপ্রাপ্তি পক্ষের দ্বারা প্রভাবিত হয়ে জালিয়াতি, তঞ্চক্তা ও দুর্নীতির আশয় গ্রহণ করে আলাদাভাবে আরো একটি প্রতিবেদন দাখিল করেন; এবং

যেহেতু, তিনি আলাদা ও এককভাবে দাখিলকৃত জালিয়াতি, তঞ্চক্তা ও অসঙ্গতিপূর্ণ প্রতিবেদনের আলোকে মামলাগুলি নিষ্পন্ন হওয়ায় পক্ষগণের জমির দখল ও পরিমাণ গরমিল তথা জটিলতার সৃষ্টি হয়েছে; এবং

যেহেতু, অনিয়মতাত্ত্বিকভাবে নিষ্পত্তিকৃত মামলাসমূহের ক্ষতিগ্রস্ত পক্ষগণ প্রতিকার চেয়ে আবেদন দাখিল করেন; এবং

যেহেতু, তিনি অভিযোগনামা ও অভিযোগ বিবরণীর পরিপ্রেক্ষিতে লিখিত জবাব দাখিল করেন এবং গত ১৮/০১/২০২২ খ্রিষ্টাব্দ তারিখে তার ব্যক্তিগত শুনানি গ্রহণ করা হয়; এবং

যেহেতু, ব্যক্তিগত শুনানিয়ান্তে অভিযোগনামায় আনীত অভিযোগের বিষয়ে তদন্ত করার জন্য জনাব মো: আসাদুজ্জামান, প্রাক্তন উপসচিব, ভূমি মন্ত্রণালয় (বর্তমানে উপসচিব, সংস্কৃতি বিষয়ক মন্ত্রণালয়)কে তদন্তকারী কর্মকর্তা নিয়োগ করা হয়। তদন্তকারী কর্মকর্তা তদন্ত শেষে প্রতিবেদন দাখিল করেন। তদন্তকারী কর্মকর্তা তদন্ত প্রতিবেদনে এ মর্মে মতামত প্রদান করেন যে, "সার্বিক পর্যালোচনায় অভিযুক্ত কর্মচারী জনাব খন্দকার তানবিরুল হক, উপ-সহকারী সেটেলমেন্ট অফিসার, সাপাহার, নওগাঁ (প্রাক্তন উপ-সহকারী সেটেলমেন্ট অফিস, সারিয়াকান্দি, বগুড়া) এর বিরুদ্ধে সরকারি কর্মচারী (শৃঙ্খলা ও আপিল) বিধিমালা, ২০১৮ এর ৩(খ) ও ৩(ঘ) বিধিতে বর্ণিত যথাক্রমে অসদাচরণ ও দুর্নীতির অভিযোগ প্রমাণিত হয়েছে"।

এমতাবস্থায়, অভিযোগনামা ও অভিযোগ বিবরণী, অভিযোগনামার জবাব, ব্যক্তিগত শুনানিআন্তে অভিযুক্ত কর্মকর্তা ও সরকার পক্ষের প্রদত্ত বক্তব্য, তদন্ত প্রতিবেদন ও সংশ্লিষ্ট কাগজপত্রাদিসহ সার্বিক বিষয় পর্যালোচনা ও বিবেচনান্তে জনাব খন্দকার তানবিরুল হক, উপ-সহকারী সেটেলমেন্ট অফিসার, সাপাহার, নওগাঁ (প্রাক্তন ড্রাফটসম্যান কাম এরিয়া এস্টিমেটর কাম সিট কিপার, উপজেলা সেটেলমেন্ট অফিস, সারিয়াকান্দি, বগুড়া) ১৩/২০২১ নম্বর বিভাগীয় মামলায় সরকারি কর্মচারী (শৃঙ্খলা ও আপিল) বিধিমালা, ২০১৮ এর ৩(খ) ও ৩(ঘ) বিধিতে বর্ণিত যথাক্রমে অসদাচরণ ও দুর্নীতির অপরাধে দোষী প্রমাণিত হলেও তিনি আগামী ৩১/১০/২০২৪ খ্রিষ্টাব্দ তারিখে পিতারএল এ গমন করবেন বিধায় সামগ্রিক বিবেচনায় তাকে একই বিধিমালার ৪(২)(ঘ) বিধি মোতাবেক তার অবশিষ্ট চাকরিকালের জন্য বেতন গ্রেডের নিম্নতর ধাপে (প্রারম্ভিক ধাপে) অবনমিতকরণ লঘুদণ্ড আরোপ করা হলো।

এ আদেশ অবিলম্বে কার্যকর হবে।


১৩/৮/২০২১
(মো: খলিলুর রহমান)


সচিব
ভূমি মন্ত্রণালয়

স্মারক নম্বর: ৩১.০০.০০০০.০৩৭.২৭.১২১.২১-২৯২/১(১)

তারিখ: ৩২ খ্রিষ্টাব্দ, ১৪৩০ বঙ্গাব্দ
১৬ মে ২০২৩, ২০২৩ খ্রিষ্টাব্দ

অনুলিপি :

- ০১। মহাপরিচালক, ভূমি রেকর্ড ও জরিপ অধিদপ্তর, ভূমি ভবন, তেজগাঁও, ঢাকা।
- ০২। অতিরিক্ত সচিব (প্রশাসন), ভূমি মন্ত্রণালয়।
- ০৩। যুগ্মসচিব (জরিপ), ভূমি মন্ত্রণালয়।
- ০৪। জোনাল সেটেলমেন্ট অফিসার, রাজশাহী (দণ্ডপ্রাপ্ত কর্মকর্তাকে ০২দুই) পাতা তদন্ত প্রতিবেদনের কপিসহ আদেশের কপি জারি করে জারি প্রতিবেদন ভূমি মন্ত্রণালয়ে প্রেরণের প্রয়োজনীয় ব্যবস্থা গ্রহণের জন্য অনুরোধ করা হলো।
- ০৫। জেলা হিসাব রক্ষণ কর্মকর্তা, নওগাঁ/বগুড়া।
- ০৬। উপজেলা হিসাব রক্ষণ কর্মকর্তা, সাপাহার, নওগাঁ/সারিয়াকান্দি, বগুড়া।
- ০৭। প্রোগ্রামার, ভূমি মন্ত্রণালয় (আদেশটি মন্ত্রণালয়ের ওয়েবসাইটে প্রদর্শনের জন্য অনুরোধ করা হলো)।
- ০৮। জনাব খন্দকার তানবিরুল হক, উপ-সহকারী সেটেলমেন্ট অফিসার, সাপাহার, নওগাঁ (প্রাক্তন ড্রাফটসম্যান কাম এরিয়া এস্টিমেটর কাম সিট কিপার, উপজেলা সেটেলমেন্ট অফিস, সারিয়াকান্দি, বগুড়া)।
- ০৯। মাস্টার কপি/অফিস কপি।


২৫/০৮/২৩
(মোহাম্মদ আবুল কালাম)
উপসচিব

ফোন: +৮৮-০২৫৫১০১২৩৯

ই-মেইল: admin3@minland.gov.bd